





石倉十二代詩選

四集卷二十二

松谿集

大明

永康程文德著

後學曹學佺閱

送別石郡公

有鳥辭閬風孤飛惜羽翰幸逢琪樹林棲息清  
 陰寒天風忽震撼移樹蓬萊端只尺不可託川  
 路浩漫漫漫漫何所極颯以增離憂憶昔歌鹿  
 鳴蟾宮同宴遊中間兩契濶聚散秋雲浮寧期  
 瘴癘鄉同復侍公遊故情多感激新歡更綢繆



以茲重離別匪爲兒女愁綢繆豈歡昵感歎惜  
居諸敦言同心好同氣或弗如每飯必推食每  
暇必過余至論啓蒙蔽珍教重璠璣永懷玉樹  
倚况此飄泊餘一旦睽駢歷胡能不嗟吁嗟吁  
忽猶祝自是惜離羣軌範日以遠箴規那得聞  
中夜起劬皇追隨電海濱夜共三橋月旦繞湖  
山雲所過總興感明發遽已分願留白日光庶  
以永夕曛白日自不息我情亦與同公如爲虎  
嘯我願爲風從人生諒有期乾坤浩無窮奈何

同心親聚散恒匆匆一歎三墮淚躊躇立遡風  
躊躇復躊躇驪駒已入門頻頻抱愚衷猶願獻  
一言公負聖賢資同志所欽尊真知期實踐懲  
忿斯立根再拜長路岐此意古所敦

遊勾漏洞

昔聞勾漏令求之不可得我今謫居來緣何過  
斯邑羣峰儼樓臺環衛森戈戟或如象馬驟或  
似神人立巨細盡物形纖巧狀難悉披榛至洞  
門日午雲猶墨登臨自漢宋隱見多遺跡更履



探虛呀列炬穿深黑仰視休心神左右爭嗟咋  
暗堂自通牖滴乳盡成石幡幢何續紛鐘鼓堪  
轟擊恍惚非人世梯緣甘躅躅前驅忽阻水桃  
源未許入踟躕還舊路洞口忽見日稚川竟何  
處煙雲自狼藉庶以慰奇觀所志非黃白

過常山

遷客萬里遊西過常山道老親不忍別相送淹  
昏早舟車隨坐卧寢食知溫飽本爲惜別離亦  
復欣懷抱武夷聞只尺持携事幽討幸遂板輿

歡况值清秋好

自警

羲馭升西涯檣影忽東岫登舟復浹旬草草歷  
昏旦百年諒如斯感茲抱冰炭及時弗自力老  
耄空長歎昔賢重蹇困生全自憂患勉旃萬里  
行無然耽泮渙

過露筋祠指示男女輩

在昔有處女避寇湖中居深夜水昏黑茂草蚊  
若蝟湖旁豈無舟同伴亦且驅從舟卽從寇窻



歷代詩選 明種松齋  
為蚊所屠有身勛可露偷生死不如吁嗟烈女  
心男兒空珮珞人生不自愛千年日月虛至今  
瞻烈女凜凜肅裙裾

五峰對月

懸厓倚高閣霽月流中宵仰觀疑坐井爛然天  
宇遙拂石長松下坐愛疎陰交空中忽墮影敗  
葉送驚颺林聲遠近集蕭蕭還杖策呼童叩山  
僧沽酒慰岑寂把酒問月明此景那再得起舞  
獨徘徊撫劍露華濕

送劉雲笈遷廬州別駕

出處本無常東西何定轍昔我謫羊城子適持  
龍節相逢增慷慨清談皎冰雪聯舟過七星復  
鼓蒼梧柅行止一何優彌月不忍別十年再同  
朝懷舊喜未輟子今復謫居感歎何更迭自厓  
離索懷不為升沈懣磊落男兒身天地相參列  
名位何區區而以挂齒舌不見古達人恥為纓  
綬繼性命苟自貴外物皆蠓蟻去去倅汝寧冲  
抱固所說仕學如登山回首陋丘蛭



和朱芝山太守詩

川原渺千里芙蓉鬱以芳  
驅車入秣陵回首夢  
春塘自昔休文翁為郡在東陽  
山川入題品遺踪紛漭蒼  
乃今芝山子登樓再舉觴  
輸墨有冥契了悟齊列莊  
八詠留清風一覽周遐荒  
高士相後先嘉蹟同不忘

贈麓泉使寧夏

麓泉王子使關西朔雲黯澹玄  
風淒男兒策勳輕萬里  
腰間寶劍塗鵬鵬龍函勅  
賜奉天殿鴻

臚承旨大官宴九重宵旰切  
邊陲甘陳功罪早須辨  
皇華古昔重咨諏司馬山川  
豈漫遊陽春遲爾觀風疏  
賀蘭山北胡塵收

飲慶壽寺雨甚過羅念菴宿

罪微宮柳暮鬢鬢密雲仍下馬  
叩門久聯牀舊約曾矢心  
誰自負取善古難能秉燭  
嗟何及雞鳴更風興

送張四山節推金華

秋色動高樹雲光擁帝城  
涼初仙棹愜霜近雁



聲驚綵服河陽便滄洲激水平婺人遙佇望霖  
雨四山晴

過釣臺

風雨桐江暮孤舟倚釣臺山高亭倚漢世遠石  
空苔秉燭今宵得上居何日來百年應早計莫  
遣鬢毛催

慶林寺

卧病負春遊偶過山寺幽携壺綠客至得句爲  
僧留江靜風初定山空雲自浮咏歌還竟日可

是瘴鄉不

五峰倚樓

翠碧丹楓外飛霞自往來飄零驚歲晚突兀喜  
山開絕頂雲松見凌空鳥道迴倚樓看不足欲  
上最高臺

五月望長安

今年五月望却憶去年時梵寺晴同步容臺夜  
獨思萍踪紛邈邈桂影故離離頗念同行者仍  
淹旅食期



懷文衡山

不見衡山久新詩何處吟  
金臺憐握手明月幾  
論心客髮侵霜未孤窗對雨深  
無因寄雙鯉獨坐試鳴琴

都下卜居

卜居偶得此朝市亦幽尋  
宮樹分春色層樓寄  
遠心花香來別院蟬響送深林  
自覺無拘礙脩然發浪吟

毘盧閣

高閣欣鳴鳥清尊對落楓  
雲開朝雨後日散午  
煙中坐久地逾寂心虛山更空  
菊殘猶見爾歲暮與君同

聽雨一首

禪房晤言罷風雨一宵繁  
山氣直侵榻葉聲兼  
到門迴峰有豹澤深洞想龍蹲  
及側添幽思明朝石上論

惜別

寶山三日晤萍水百年緣  
聽鳥危欄外看雲古



歷代詩選 明穆宗  
木邊晨談及秉燭宵坐待明燿道誼真兄弟相  
思未別前

對雪和韻

江山形忽改天地夜還明色訝欺梅白聲同瀉  
竹清穿窗時自舞點水亂無聲頗恨陶彭澤全  
無杯酒情

清明上 茂陵秦陵同張桂濱行次韻

春入平郊草似苔謁陵今日是重來松杉蔭密  
龍如畫車馬聲多鳥不猜寶鼎雄圖占王氣山

筵佳味薦靈芟幸陪館長通宵話對酒何妨逸  
興開

虞東厓請遊通惠河陪諸館長盡日之樂

和王中川韻

出郭薰風催短騎大通橋畔柳新晴繡衣亭子  
開金谷太史詩篇重馬卿輿入扁舟分野色觴  
流曲水帶寒聲放歌日暮不歸去嘉會何時續  
舊盟

贈曹尹



山行五日沂迴溪花滿溪原水滿畦綠野耕閒  
從犢卧青林雨霽任鶯啼一枝暫寄橫秋鷄六  
月應求辟暑犀他日名刊循吏傳榮分桂籍舊  
同題

荷葉為碧筒飲酒常也松谿子偶得花以  
花瓣為杯碧筒吸之清香倍加飲態復  
雅座客欣然呼紫霞杯劇飲而醉席上

口占四韻

雨過燕臺六月涼碧筒新吸紫霞觴金莖玉露

分仙掌明月青簾映草堂壯志稜稜方直節詩  
脾冉冉沁清香分明太華峰頭會看取蟠桃幾  
度嘗

快閣和山谷韻

北風吹雨暗江城快閣登臨欲脫晴水落魚龍  
雙渚濶雲開文武遠山平漁舟亂逐輕煙放霜  
樹時驚返照橫納納乾坤皆快閣未應偏與白  
鷗盟

元夕書懷



偶滯蒼梧驚歲改匆匆除夕又元宵百年身世  
催時序萬里炎荒坐寂寥燈剪銀絲空自巧杯  
傾綠醕可誰招高堂垂白遙相憶又負松谿月  
滿橋

訪長洲常劉二君子

藍輿春曉度浮梁松檜林深隱戰場小艇忽臨  
山盡處美人真在水中央疎籬曲徑紆村巷翠  
柳夭桃映竹堂流寓江山元有分條然安土卽  
吾鄉

石屏省丈載酒渡江約弘齋憲伯桂山地  
卿松谿遷客同遊卽席紀興

花縣郎登青鎖舟草堂移席暑雲收山腰僧寺  
松門古水面人家竹屋浮石洞未容餘興賞萍  
踪應爲異鄉畱抱琴載酒明朝共一曲薰風蘿  
薜幽

十六夜遊前殿用登閣韻

新秋今夜月仍圓清興翻飛只獨看三殿峒崑  
朱戶闐千林掩映梵光寒玉臺低拂松如蓋芒



屢微濡露正溥况復涼風初入候銜杯倚徙徧  
危欄

歸自高涼度嶺

褰帷此日還舒嘯遷客遙從瘴海還坡老夢遊  
瓊島路班超生入玉門關峰頭高樹欣歸鳥天  
末飛雲識故山萬里親闈今只尺梅花先照綵  
衣斑

除日憶蒼梧

昨歲蒼梧今此地東西流寓亦因緣一年將盡

夜復至萬里未歸人自憐無賴雨聲還索莫多  
情觴詠且留連相看明發又添歲珍重吾徒早  
著鞭

水南先生以詩見寄立和奉答

洛渚羈棲情未傷金臺二月雪風涼碧山幽夢  
已親舍白馬青袍信帝鄉鳴欽迢遙瞻庾嶺秋  
風蕭瑟度清湘季鷹未許葺鱸憶 聖主應憐  
十載郎

竹莊陳子以地官擢守雲南卽韻對月賦



詩為贈

西園月色近中秋自昔臺傳有鳳遊把酒漫論  
滇海外看花遙憶曲江頭朱輪五馬遙乘傳清  
微孤城獨上樓自是壯心輕萬里循良還踵漢  
風流

賀曾中丞山東嘉績

遼陽驄馬昔觀風反側坐安談笑中湖海幾人  
憂社稷國家多事識英雄建城曲帶清源外控  
險潛消胡騎東不獨州人今有怙中原翼蔽賴

豐功

武夷和紫陽先生棹歌

天公為我訂山靈宿雨初收山更清棹入寒流  
歌未試羽衣先導步虛聲

盤願禪洞

結屋招僧為別業孤雲野鶴共生涯客來掃石  
焚香坐數滴珠泉自煮茶

過吳東圃

萬里春風欲暮天偶來東圃醉花前烹魚煮蕨



歷代詩選 明穆松翁  
渾清事更借梅陰一榻眠

赴滁

高柳長河兩岼陰  
早冬猶幸未飄零  
扁舟獨棹滁陽去  
暖日輕風信客行

太常舊館

重門寂寂掩空齋  
舊事悠悠逝不回  
借問主人誰尚在  
蕭條古柏偏蒼苔

簡內侄潘思求

梅雨初晴路未乾  
青山處處有飛泉  
石塘回首

金華遠千丈  
芙蓉隔紫煙

龍山獨坐

溪聲入夜兼風急  
山色迎秋帶雨寒  
獨坐虛堂心似水  
閒看鳥相欲成丹

和古漁隱

柳陰磯上朝垂釣  
蘆荻灘頭夜泊船  
自去自來渾自得  
月明吹笛向江天



石倉十二代詩選

四集卷二十二 終

石倉十二代詩選

四集卷二十三

荆川集

大明

武進唐順之著  
後學曹學佺閱

遊西山碧雲寺作得悅字

端居滯文翰久與賞心闕出沐乘休豫尋幽展  
懽悅涉澗俯潺湲攀巒面巖嶮邈哉神臯奧居  
然靈境別夷峻疏深池塞坎構崇椽浴室盪陽  
泉冰井沸陰穴躋險惕瞑眩逶迤欣趨軼密林  
嬉猿獮遠峰挂虹霓宵看朝旭升晝見昏星列



歷代詩選 明唐應德  
葑豐光乍熹崖懸曜先晰景會萬象昭跡睽百  
慮絕崑棲庶可希從茲謝塵轍

晉濟寺同孟中丞作

宛轉雲峰合微茫鳥路通閒來竹林下醉卧石  
房中陰澗泉先凍陽崖藥尚紅攀蘿探虎穴憩  
石俯鮫宮上客思留帶山僧不避驄夜深清嘯  
發流響入寒空

中嶽

巫閭控北戶葱嶺奠西隅茲地陰陽合中天洞

壑孤黃樞標正位紫氣護真圖近接浮丘宅深  
藏軒后符疏峰連太乙列館象清都肅肅泥書  
秘森森羽蓋趨僊遊微見迹帝幸暗聞呼露洗  
千齡柏霜封九節蒲星榆臨砌發月莢應時敷  
將訪三山記猶迷七聖途今朝陪廣樂直擬到  
方壺

遊嵩山少林寺

淨域龍巖上香臺鷲嶺邊山由巨靈闢教以法  
王傳二室圍蘭若三花接梵筵土中元此地檻



外卽諸天復岫低衡岱廻軒寫澗瀝雲衣披雜  
樹虹影度飛泉綴牖皆青壁緣堤盡白蓮神猿  
叅講幕馴鴨荒爐烟慧月秋逾徹泥珠夕更鮮  
谷將鐘迸響潭共鏡爭圓萬劫終成幻三生併  
是緣願假金篦力一爲照迷川

奉命分祀孔廟作

後聖禮先師斯文今在茲將陳百官富詎止一  
牢祠入室瞻遺器園橋展盛儀樂堪三月聽奠  
想兩楹時執鬯元公肅捧璋髦士宜鄙儒叨小

相端甫奉前規

登孫登嘯臺

晉時肥遯士長嘯此山陰自遠龍蛇迹能爲鸞  
鳳音坐趨惟默理妙契守雌心逸駕應難返荒  
臺尚可臨俯看恒衛水遙見太行岑砌冷疎花  
發扉扇落葉深寧知千載後更有阮生尋

銅雀臺

漠漠龍髯遠飄飄總帳空自憐妾薄命不得奉  
君終望幸非前日棲靈是舊宮翠襦霑薤露錦



歷代詩選 明唐應德  
三  
瑟入松風鸞鏡時猶照蛾眉歲不同誰能更歌  
舞心折望陵中

### 嵩陽宮栢

嘉樹植崆峒年長勢更雄已無秦帝幸尚有漢  
皇封榦比孤生竹根猶半死桐靈泉玉女灌其  
雨嶽神通葉密鶯難度枝樛葛易蒙垂陰九華  
帳弄影五雲宮色掩重崑翠聲含衆竅風賓來  
虬蓋偃仙去鶴巢空非因不材壽春秋自無窮

### 送林宜興遷官南部

移家偶愛山中靜地主何煩重相敬吾生耻學  
茂陵郎如君豈是臨邛令誰言陋巷不容車勞  
君擁蓋常造廬誰言簿書日紛糾勞君爲我頻  
置酒五月清溪暑氣微淹留竹裏共忘歸乍看  
朝霞初昇嶺忽驚夕露欲霑衣清才自合翻飛  
早一朝西上金陵道請君別後數寄書山中相  
識日應少

### 從軍行送呂兵曹募兵遼海

匈奴十萬入雲中烽火照耀甘泉宮戰士三三春



不解甲天王一怒欲臨戎追奔盡選流星騎併  
敵齊分明月弓虜氣憑陵恒候月漢兵趨忽若  
乘風已聞舊戍黃花口復道新屯細柳中飛沙  
颯沓迷亭障組練繽紛皆北向赤羽朝徵六郡  
材白茅夜拜五丁將呂郎磊犖似劉生許國從  
來氣不平匣裏雄韜藏豹變腰間寶劍作龍鳴  
勅散萬金收猛士身騎疋馬出長城雁行暗結  
遼西陣魚貫睛開海上營誓同魯仲能飛箭豈  
學終軍漫請纓建節行行通大漠檄書馬上時

能作瀚海雲連太白高燕然雪照旄頭落知君  
意氣坐相邀五百神兵集一朝漁陽突騎蛇矛  
銳幽并俠客鐵驄驕車上磔人常賈勇帳前戲  
稍屢爭標共道百年胡運息直教一戰虜塵消  
歸來奏凱獻 天子功名絕勝漢班超

送朱建陽

故人三十北上書行到薊門曾棄繻故人今去  
薊門道雙綬垂腰一何好道傍桃李爛春晴可  
憐仙令看花行殷勤斗酒與君別落花片片如



飛雪昨歲春花滿  
薊門垂楊陌上始逢君  
偶然傾蓋輸情素  
交歡每會披雲霧  
春來春去能幾時  
聚散匆匆各自知  
把袂追攀情未已  
爲問閩中幾千里  
武夷之山天下奇  
翠壁丹崖共蔽虧  
可但王喬多道氣  
應傳潘岳有新詩

滎陽行

滎陽軍壘高嵯峨  
楚漢之戰何其多  
已向敖倉奪芻粟  
還臨鴻水割山河  
大小一百一十戰  
組練崢嶸如閃電  
存亡呼吸那可知  
主客縱橫急

然變英姿烈烈紀將軍  
志不可奪身可焚  
城西夜半赤帝走  
獨載黃屋開東門  
漢家社稷蕭曹力  
殺身衛主誰能識  
君不見丹書白馬勒元功  
吹簫屠狗俱開國

歌風臺

我來擬上歌風臺  
豈意臺空只平地  
璠璫古井亦崩塌  
斷碑無字苔蘚翳  
當年此地說豪華  
富貴歸鄉多意氣  
枌榆社裏列黃麾  
泗水亭前張赤幟  
里中父老競來窺  
昔日劉郎今作帝  
共談



疇昔帝一噓季固大言少成事推牛張宴里開  
空進錢今日幾萬計坐中只帶竹皮冠衆裏長  
呼武嬪字酒酣擊節帝起舞樂極歌殘更流涕  
遊子誰不悲故鄉萬歲吾魂猶樂沛賜名此朕  
湯沐邑世世田疇免租稅風起雲飛又一時往  
事蕭條復誰記樵人不識斬蛇藪行客還歸貫  
酒市臺下黃河盡日流瞬息人間幾興廢

題偶耕書屋送謝右溪歸兼柬左溪

長君昔挂西曹冠青楓漠漠滄江寒少君復謝

薇省吏身世飄颻忽如棄歸來對坐四壁居篋  
中一卷種樹書誰言丘壑足枯槁折腰昔日今  
何如五月黃梅雨茅屋麥苗滿田蠶上簇童稚  
欣欣笑相語但免飢寒百事足吳國樗生少好  
遊三事無成感四休已道栖栖非我志將從沮  
溺問良謀

日本刀歌

有客贈我日本刀魚鬚作靶青絲綆重重碧海  
浮渡來身上龍文雜藻荇悵然提刀起四顧白



日高高天罔罔毛髮凜列生雞皮坐失炎蒸日  
方永聞道倭夷初鑄成幾歲埋歲擲深井日淘  
月煉火氣盡一片凝冰鬪清冷持此月中斫桂  
樹顧兔應知避光景倭夷塗刀用人血至今班  
點誰能整精靈長與刀相隨清宵恍見夷鬼影  
邇來韃靼頗驕黠昨夜三關又聞警誰能將此  
向龍沙奔騰一斬單于頸古來神物用有時且  
向囊中試韜穎

同孟中丞遊龍泉寺

寶地風塵絕琳宮日月偏雁來還繞塔龍去尚  
留泉戶裏天花落空中梵樂傳遠師休禁酒客  
醉欲逃禪

寓城西寺中雜言

秋來不覺早落葉忽已繁物化每相代吾生尚  
何存微材同樗櫟僻地當丘園竊慕東方子一  
官堪避喧

禁中遇雨

紫閣肅陰陰重門寒意深忽看百里霧來作九



秋霖洒道先清蹕  
露花度禁林  
楮郎方夾陛  
鵠立濕衣簪

十五夜旅懷

暫輟明光草  
言從洛下遊  
塵沙兩河夕  
風雨二陵秋  
鏡有潘郎鬢  
囊無季子裘  
更堪三五夜  
獨自下西樓

望太行

北望太行山  
嶽岑霄漢間  
倚天開疊障  
畫地作重關  
車向羊腸轉  
人從鳥道還  
一爲苦寒曲  
淚

下摧心顏

山行卽事

息馬依叢薄  
褰裳涉淺沙  
桃源無俗轍  
雲谷有人家  
凍壑含朝雨  
晴峰聚晚霞  
相期白社裏  
共聽演三車

息中山亭子

日日塵沙裏  
深愁行路難  
孤亭自趨曠  
過客暫盤桓  
霜重飄梧葉  
雲輕度石欄  
不能千日醉  
幸托一枝安



送李推官赴高州

天子念南陲君才况抱奇  
祗將經飾律不以吏  
爲師賈客多踰海居人半雜夷  
雖言持漢法謠俗自須知

答陳編脩約之栢鄉見寄

菟苑俱將命瓜期獨未歸  
忽傳千里札坐使寸心違  
鬢髮行來變丹楓別後稀  
時時通遠夢恍是薊門非

送蔣尉赴金華

分野應星躔金華婺女邊  
微官君勿歎福地古來傳  
洞有成羊石山多釀酒泉  
卽令不好飲猶得學神仙

送程翰林松溪謫居潮陽

潮陽何所似雲水日氤氳  
白晝鮫珠落青天蜃閣分  
山魃迎客旆海若識人文  
瀟灑韓祠竹清風今到君

汲縣謁比干墓

下馬登丘隴藁林曲隧通  
碑因元魏樹地是有



周封酒散荒池上人行秀麥中  
故宮無可問徒此對松風

村夜

纖月生西浦流光照北林  
羣喧一以息百籟相與吟  
始悟丘園裏能生清淨心  
悠悠何所歎獨坐撫瑤琴

同皇甫子循遊橫山

曲磴行來盡松陰轉寂寥  
不知茅屋在却望石梁遙  
葉響疑聞雨渠寒未上潮  
夫君軒冕客此

地欲相招

夜宿王氏莊

微月挂孤壁四山何悄然  
因穿蘿徑去忽造竹林邊  
叢木深寒氣平蕪淡野烟  
徘徊興復盡還就茅齋眠

送白尉往湖州

君家太湖北作吏太湖南  
驛路雞鳴近山城樹影含  
萬川疏沃野百室競春蠶  
幸此猶吾土微官也自堪



歷代詩選 唐應德  
丹陽別王道思

久已廢逢迎蕭然世外情因君訪茅屋相送到  
江城遠岫雪中綠寒流冰下行可堪此時別獨  
自返柴荆

夏日聽沈君彈琴詩

知君技入神一歇一番新撥處疑非指聲中似  
有人空山鳴落葉暗水躍潛鱗何獨吹簫客解  
生陰谷春

聞石屋彭君置生棺有感

青山結淨因回首迹俱陳司馬四壁宅榮期百  
歲身文犧幸知免行蟻待相親試料還真後誰  
爲倚戶人

其二

隱几嗒然安疑君是鷓冠道書肘後繫人世鏡  
中看家木無干橘生常卧一棺不因茲下淚任  
爾雍門彈

題陳渡莊

經時不到此花落徧庭蕪開館猶如客憑軒忽



喪吾蝶飛看栩栩鳥喚聽烏烏便欲題丘壑于  
今總姓愚

泊舟郭外有感

愁多番夜短村郭又雞鳴更聽隣舟語行看海  
日生新秋河漢影竟夕桔槔聲誰能訟風伯一  
使甘霖傾

題金山寺付僧惠傑

隱隱帆檣外分明見法幢川光孤斷石井脉割  
寒江折葦僧歸渡觀潮客倚窗一聞龍女偈坐

使戰心降

其二

憑虛聊騁望面面荻蘆秋坐據三生石心隨萬  
里流鼉鼉爭出沒樓館互沈浮向夕烟氛斂珠  
光似可求

其三

法界元無着寥寥空水雲鐘聲潮外住佛相鏡  
中分經爲魚龍說人將鸛鶴羣慈航如可借不  
厭往來勤



題清溪莊二首贈顧副使

阮生常避俗平子正歸田種秫供生事為樓佇  
列仙沙行隨鷺跡湖泛趁漁船月下聞高詠應  
多感興篇

其二

地即梁鴻宅溪連范蠡湖霜天榮橘柚秋水戲  
鷗鳧從宦元非巧名丘亦是愚欣君始遂願遶  
屋樹粉榆

贈郡倅綱運

之子從王事秋江曉問津泛舟千里役行篋一  
官貧淮海隘畿服瑤琨貢國珍 聖明如有問  
止可繪流民

題孤山林隱居祠

孤山春欲半猶及見梅花笑踏王孫草言尋處  
士家塵心瑩水鏡野服映丘霞崑壑長如此榮  
名豈足誇

永年公館夜宿

棲遲異域南冠客嘹唳長風北雁聲靜院無朋



歷代詩選 明唐應德  
休對酒高樓有女獨鳴箏霞光曉伴銀河落露  
氣宵含玉樹清古往今來成悵望叢臺孤月向  
人明

送張學士歸蜀省親

曳履暫違金馬署承歡遙入錦官城欲從狄相  
雲間望却向王陽道上行旌轉層峰朝雨色舟  
迴極浦夜猿聲到家已是初冬候聞道林中筭  
又生

送項膳部遷之南行兼呈劉祠部

春流瀾瀾碧波深送遠其如南浦心魏闕幾年  
叨結綬江臯千里惜分襟君遊白下貪雲卧予  
滯金門笑陸沈郎署故交如問訊邇來惟有越  
人吟

送周雲卿之任通山

湖南此去意何如綠浦清楓萬里餘地僻且看  
衡岳雁官貧豈食武昌魚千家鑿井分江水幾  
處開田傍石渠由來撫字惟良牧天子他年  
有賜書



趙州懷古

千秋霸業消沈盡  
風俗猶傳趙武靈  
市上美人揮錦瑟  
場中俠客舞青萍  
雁門北去通沙磧  
烏道西來入井陘  
欲向平原訪公子  
蕭蕭賓館戶長扃

九月晦日鈞州公館見菊

天涯已逼三冬候  
客舍仍開九日花  
無那繁香經雨歇  
獨看疎蕊向風斜  
餐英實有騷人興  
送酒虛疑陶令家  
想像故園搖落盡  
倍令遊子惜

年華

廣德道中

蒼山百轉見炊烟  
茅屋高棲古樹巔  
細雨薜蘿侵石逕  
深秋粳稻滿山田  
雲中望影迷遙岫  
草裏聞聲覺暗泉  
倘遇秦人應不識  
祗疑誤入武陵川

次韻贈施道人

御氣曾聞老氏柔  
寄身偏愛水雲幽  
道書數卷只自注  
生計一錢常不畱  
賣藥人間應是謫  
挂



歷代詩選 明唐成德 卷六  
瓢林下復何憂猶言妻子能相累自戴黃冠學  
遠遊

題贈施心菊醫士

聞道仙翁昔種菊君今對菊獨淒神蕭條三徑  
猶含露悵望深秋似有人肘後傳方多已試鼎  
中留藥不嫌貧相從何日東籬下願乞餘香慰  
病身

元夕詠冰燈

正憐火樹闌春妍忽見清輝映夜闌出海蛟珠

猶帶水滿堂羅袖欲生寒燭花不礙空中影暈  
氣疑從月裏看爲語東風暫相借來宵還得盡  
餘歡

陳渡草堂

近市偏逢食有魚閉門不問出無車牛衣聊自  
對妻子蜡酒時將冷里閭世網幸疎如野馬微  
名猶在愧山樗亦知農圃真吾事春至頻翻種  
樹書

金澤寺中寄松江友人



澄湖昨夜雨初霽驟覺春衫寒意多  
遠浦草青送歸雁夕陽潮上生微波  
戲窺佛偈翻金字靜卧崑扉掩綠蘿  
伊人只在蒹葭外獨對清樽柰爾何

同萬鹿園宿工文菴次韻有贈

何處尋山不厭深淡烟歸鳥暮鐘音  
去家百里訝如客別爾經年尚此心  
宴坐清齋滋夜氣閉門殘雪映寒林  
相從一宿應堪覺機事何須問漢陰

百泉次葉師與諸生講書鐘樓寺聞鐘作

早歲傳經髮已斑寄身精舍渺人寰  
苔邊履迹堪盈戶花外鐘聲正掩關  
驟覺海潮生靜夜却隨仙梵響空山  
先生嘿嘿隱几坐試問諸緣醒夢間

夜歸陳渡草堂時新與諸子別去有懷

野夫也復到城市日暮還尋四壁廬  
蛩響露餘將入戶人歸月裏又離居  
坐憑烏几都忘我起對流螢且廢書  
正憶青衿同舍子別來秋興各



何如

松關

月出照松關松陰正滿地恐有山僧歸終夜不須閉

山田

從橫亂峰裏忽此見平川不須抱甕汲自有峰頂泉

山池

百泉自奔注更不費疏鑿雨歇天氣清臨池看

洗鶴

題贈段紫峰

仙人宿處紫烟孤一片峰陰散玉湖今日隱身城郭裏閉門常寫雁山圖

自述并贈曹君

少讀陰符耻未工青山偃仰漸成翁人間炎冷都忘盡聽話流年一笑中



石倉十二代詩選

四集卷二十三 終

游志盡難辨...

自古先朝...

...

...

...

石倉十二代詩選 四集卷二十四

後岡集

大明

鄞縣陳束著

後學曹學佺閱

誚賣玉器作

神龍逝不返永永淪赤山九陰黯莫測揚輝久  
 矣難握瑜馳七貴七貴誰不然魏父牀夜光咄  
 咄起憂患楚王非賤貨和氏坐摧殘時議重甌  
 甌焉用誇璵璣璠懷璧已賈罪况復滋琢刊孚采  
 迺憎命明温以煩寃傳與後世人寶器無為宣



返趙懷唐一學何體

蕭疎秋欲晚辛苦客情違龍分雙劍遠雁阻一行歸月色明疑見風期逸難依霜交白野合露罷青林稀羈候朝朝別寒雲處處飛茲時軫遠念憶爾倦游非

詠神樂觀梅花

素質舒玄圃清芬裊碧紗自將幽獨意不逐豔陽華避暖遲開葉凌寒早著花瓣輕飄易墮枝曲影從斜雜雪明春砌隨風入暮笳何須飛竇

屬長此奉仙家

夕霽對月有懷唐一編脩

終日滯飛濛三徑絕來在欄溜一以捐族雲漸迴蕩長飈瀕河出月華依波上微微辨林柯稍稍晰塵鞅槿委猶餘法萱開更映幌草螢掠明流土蟲疑晝響命酒陶清虛解襟納新爽懷人逸不御樂來何由賞沈思永終夕景同神宜往

望湖亭遲唐一

彌策躋石磴捫蘿陟雲亭凌危坐超越臨深瞰



窈冥野色向虛盡湖態含暉明樹亂識人度峰  
峭知嵐輕目送景共遠心與氛俱清趣愜百慮  
豁神感四愁嬰願言同襟子如何曠不兼忘筌  
理無閔矚象思空縈洋洋流水志嚶嚶鳴鳥情  
匪伊知賞逃誰爲拳服膺

二三同志夜酌碧雲寺分韻

曠途疎俗寰靜域臨飛嶮形苞隱淪勝勢抗清  
虛表鷲嶺互盤旋龍泉吐涓渺雪竇廻暑清  
構翳空小分池物法鱗作埒抽金草覺花明冬

春香蘿掛昏曉微尚在幽寂乘休恣探討筏海  
滯塵緣游山訪真了指景晤已深延冥悰非小  
適感伯倫情兼希魯陽妙流觴酌駛湍揮手招  
頽顥任達本所經燕樂苦不早直耽清聖理勿  
爲俗賢道

秋日分祀孔子廟

屬聖重儒宗當秋秩祀隆文明涓上日祈翼攝  
元工松柏開新廟笙琴似舊宮居非一畝儉奠  
卽兩楹中玉簋馨明德金聲辨素功從公百辟



歷代詩選 明陽紀之  
尺步配四科同有恤神如在無言教已通升堂  
獨何幸俎豆得相從

送唐子朝 長陵

周王東定日虞后北巡年虎旅陰山轉龍舟夜  
壑遷珠丘開白壤琳殿闕玄泉示儉裁流水崇  
威迥跨邊雲中分地脈斗極應星躔弓墮天難  
陟冠遊月尚還光靈六聖扈警蹕八神傳南至  
恭明祀東曹簡上賢瞻依徒欲贈悽惻未能宣  
齋亭新理牖壁暇日晝眠翛然見林山因

而成咏

省齋日休暇煩抱罷營牽鑿牖通嶺氣分池注  
谷泉青林遙侍衛好鳥並譟言本闕經時務賴  
茲靜者便朝三受公令滿百遭吏愆白石搯床  
下黃庭授枕邊因言無事貴長對北山眠

伏日櫛溪上疏乞休二首

羈危狗遠徼勞役昧長年朝捫崆峒谷夕遵繚  
繞阡鬱蒸三伏候黯淡五谿烟昔誠垂堂下今  
來瘴壑前石圻瘖去馬水霧疢飛鳶風土行邊



歷代詩選 明陳維禎 四  
異雲山觸望偏雅容沈患變旅病積憂煎風日  
河將損金沙命詎延諒無行道惻儻冀明王憐  
願稅武陵駕還藝句章田

其二

夙昔秉玄志凌翰升紫臺雄譚迴馬辯巨藻傾  
龍才輝光四座滿軒蓋五方來不求文仲舉寧  
論公孫猜一朝分楚服三載滯江陔辛涼峴山  
淚悽斷郢門哀感往情彌吝懷來節易摧屈平  
形稍頓潘岳髮全催瓠質寧須用蓬心信不開

題書移魏闕畢志在蓬蒿

過徐李二子再遊東林寺

入山禮名禪山深變炎夏清飈激層欄流水注  
戶下孤磬遠烟微長廊飯僧罷斲結塵外蹤稍  
懷遠公駕虎去識餘溪蓮開見遺社四禪邈難  
依百齡竟安假冥心合委和曠覽齊物化疎達  
任吾生塵玄兩相謝

入閩關

海國深秋別山關入望窮人家青壁裏鳥道綠



羅中地暖收蒟葉天寒折桂叢嵐蒸晴亦雨瀑  
落靜還風靈藥翻經識譎言待譯通問畊畱野  
老賦食與山童直是忘機甚非將大隱同

行路難

君不見張毅一生善含詎高門縣薄無不走朝  
攀豪貴轢妻孥暮乞聲名謝朋友自矜蹀躞致  
青雲却笑嗟此空白首王侯大賈競來趨造化  
小兒不相守一朝卧病無復治九關鬼伯紛來  
扣榮華寂寞填稿壤歲時牧豎能躡蹠行路難

辛勤死後一抔土何似生前散却千金錢有錢  
買酒但行樂莫遣齷齪凋華年

從軍行送呂武部募兵

漢家煙塵西北邊障亭纍纍通居延瀚海羽書  
飛上部陰山烽火照甘泉應星鳴鏑三千騎乘  
月飛控十萬弦部曲共稱連右臂渠率遙傳是  
左賢天子臨軒策五戎軍兵指日下三宮玉  
璽分麾宣武畧金壇授檄藉才雄男兒任俠原  
輕敵更欣恩命借奇功投筆從戎辭陛北鳴鞭



浴鐵去遼東飛旌去去過亭徼列帳紛紛依白  
草部下齊徵六郡良軍前徧募三河少虎牙盡  
隸伏波營魚麗橫開都護道玄朔遙翻破虜旗  
青笳並奏平胡調胡沙獵獵黑雲屯殺氣騰凌  
日爲昏平明劫取休屠壘夜半追奔吐谷渾錦  
韃凋霜迎氣折銅焦慘月帶愁聞馬革一生期  
立命龍城百死爲酬恩酬恩效死不辭難誓令  
氛稜淨祈連貳師報國非邀賞去病辭家豈但  
還辭家去去無窮極鄉心海外思顏色燕支山  
下不歸來鳳凰樓上長相憶金屏掩憶夜霜寒  
愁上流黃不忍看單于且入蒲萄觀君今何處  
勒燕然

同館寮詠省中紅藥

韶年清景屬朱明紅藥翩翩爛綺城城南畫閣  
連雙闕參差數萼當階發紫煙裊霧色偏竒璇  
除璠戶更相宜露采明晞鳩鵲掌靈根暗濯鳳  
凰池鳳池雁侶來尋翫風氣花香時續斷帷綃  
幕縠盛歲蕤花綬還從花下疑停采不言嬌日



龐山竹言選 明園錄之 七  
寵合愁如恨隔年期含愁停采何窮已旖旎從  
風墮還起黃蜂一一覓絲低紫燕雙雙窺色戲  
可憐輕豔軼塵寰朝朝濯拂爲君顏秀色佳人  
何足贈調靈仙客莫須攀願逐風光漸銷鑠會  
畱芳馥五雲間

仲秋出郊訪鄜光祿養疴別業

暮天寥泬秋氣深客子悲時懷短吟已嘆緇衣  
坐自染何意金門還陸沈以茲浪迹出城野  
撼疎桐馬頭下結蘭爲訪一心人抱琴誰是知

音者主人開逕前致詞索居卧病且經時相將  
觀化忽相笑問道青青肘上枝

賦得上林雁贈吏部王郎中謫毘陵

八月涼風動雙闕嗷嗷旅雁雲中發遐飛遠響  
激清音刷羽振衣度上林天邊結字行難亂風  
裏傳書力不任詎意上林重毛色抱奇區區不  
察識凌寒不借一枝棲能鳴轉被單絲弋逸志  
由來恥稻梁歸飛耿耿背金塘水咽驚聲疑箭  
落月明避影怯弓傷遙遙關路長辛苦蕭條爲



向南中土地濶山空不畏人沙明水暖聊鳴舞  
少年才客有王君把袂愁爲失意分南去祇應  
聞雁叫臨風好是泣離羣

滄峽舟中遇江于順提學考績北上贈別

因成長句

故人相逢清溪口斷岸維舟一尊酒醉愁折柳  
背河關笑看垂楊生左肘青山沈沈秋日光颯  
然海氣飄微涼忽憶曾爲東觀史此時君作尚  
書郎昨自蛇年走賢士別來意氣期如此三載

不見鬚眉存還是豫章一男子落水一去時不  
還我今蹉躓來山藩寸心指著向知己片時會  
對成分翻近日徵賢徧都邑東巡西祀羣言集  
宰相閣東禮通儒將軍門下容長揖世塗參錯  
詎可料英雄况復非常調喘息余憐軀下駒文  
蔚爾爲將變豹握蘭在身身自知投壁向人人  
不譽別去相思一調笑知爾甘泉還上書

還次芋原先寄張大叅政

旅役勞勞不自知暮歸欣及早冬時超越偶乘



去舟便窄然遂與前山期前山繚繞迷煙樹還  
到澄潭泊舟處沙燈夜雨捕魚人竹嶼晴喧浣  
衣女異鄉物候自堪憐况近同心意轉牽題詩  
爲寄張平子相思莫擬四愁篇

泗鼎行贈戴水部

君不見周德中衰天命變彝器飄零散區縣郊  
廓之鼎淮泗流一沒千祀無人收秦皇得國心  
泰侈虎視雄圖志未已已訪仙源並海沂還望  
瑤光浮泗水舂鍤喧傳從百官羽騎連延照千

里五夜齋供親祭祠萬力咆勃鼎不起始知鑄  
作通神明入川尚自辟妖精彼昏勞勞安可得  
精靈變化固難測沒處空餘碧水流蒸時無復  
黃雲色古來神物俟明君今上迎祥日待聞  
京洛芝莖日爛漫彭城鼎氣想氤氲法駕新傳  
下淮右待幸山川望來久材官獻瑞何代無水  
伯呈祥理應有治河使者試上書爲言伏鼎今  
何如

春晚郊行



歷代詩選 明陳維之 十一  
遲日出郊圻悠然塵事稀野陰堪結蓋溝水欲  
流衣俠客探丸返佳人抱瑟歸喧喧四鄰夕徒  
倚向斜暉

春日遊麥氏園池

別業衡連堞春流曲浸臺煩襟塵外滌芳籍水  
中開笛奏花能舞舟移草爲廻年光將野趣心  
賞共徘徊

挽張舍人

豈有蘄生悔而爲出世遊居然成寢室無復更

歲舟珠履虛三逕金燈暗一丘共嗟陶越騎詎  
但若公愁  
送王生入蜀

王生抱一經遊宦未成名炊桂時何詘彈刀人  
累輕牛衣衝雪卧鳥路接雲行今日堅肥者誰  
能愈仲卿

春夜羣公見過

閒居寡物情尊酒契平生客至畱羊仲家貧似  
馬卿石盃浮春色蘭缸引夜明朋從已可樂况



復醉能傾

送李郎中謫守吳興兼簡毘陵王別駕予

與李邦良王道思同飲獲罪二君相繼

譴謫而余塊然獸居京師情見乎詞

投轄本適意何言吏道侵謫承明主惠別感故  
交心垂耳君如驥同翰我異禽毘陵如問訊道  
有式微吟

浙江夜別家大兄

悵飲適不醉強懽醜慘神家貧仍戀祿生半屢

辭親後夜潮中棹空江月下人離心正欲絕猿

嘯更堪聞

大州仲冬行岳州道中

落日更驅車蒼茫過古墟塞煙依四壘衰艸沒

三間朋舊疎刊籍鄉園病廢書誰能不彈鋏還

食武昌魚

春江夜泛

昏中貪利涉擊柝自相鳴水動春星亂山潛夜

火明幽虛機盡息澹泊道初成豈有形容在猶



然問姓名  
入辰州界

旅食不辭遠  
裹糧來入辰  
竹書分漢法  
卉服拜蠻人  
謂可折腰吏  
其如橫目民  
祗宜千嶂色  
乍可恰沈淪  
送潘將軍嶺南督戎  
戎服遠提兵  
翩翩擁節旌  
行持橫海畧  
去按伏波營  
水積龍川暗  
山連象郡明  
封侯亦此地  
知爾相終成

息秋日武昌逢江良能談卦數

閒居寡營慮  
野客遠相過  
駐馬俗情少  
談犧玄意多  
秋雲滿山郭  
寒葉下湖波  
未卜沈冥理  
因君問若何

結髮早爲客  
勞生未息肩  
長河風日損  
高室鬼神憐

異縣悲殊候  
馳暉感逝年  
迷方竟何待  
流思繞山川

與田提學行清化道中



授服驚窮節離居感客情霜清沙雁至露白草  
蟲鳴到谷看天籟隨山採地精幽尋祇得性遊  
宦不期名

公安得唐應德村居詩酬贈二首

應是歸休日安貧得所如鹿裘新著便貝帶舊  
游疎返舍因爭席還山羨卜廬閉關無遠意不  
著絕交書

其二

偃息荆溪上明時卦一瓢帶經收雨麥抱甕汲

春苗石室寧期道茅齋已混樵時聞田社客伏  
臘每相邀

春日渡漢陽

春風淡微雨了了見前川背水千家閉連山百  
雉懸鶯啼江上樹人散渡頭煙此日乘流者羈  
懷殊未捐

過武溪楊隱君草堂

清溪幽隱處白首性情閒鶴起開松徑風歸閉  
竹關道書堆几上畊耒掛牀間坐悟忘言理人



今不解還

至日岳州宴水部張使君廳

悠然遠氛靜虛館闕玄雲烏近蠻歌起山空戍  
鼓聞蘭膏凝不豔霜漏遲難分無寐應茲夕絨  
情一問君

成寧山中雪霽晚行

雪霽乍見山殘陽稍辭嶺暝色起煙氛寒光散  
墟井田空獵犬還林凍棲烏警遙聞野寺鐘歷  
歷充俄頃

與田道偶然作

長路入雲危深巒隱日規授衣驚變節執板愧  
沈時瓠落寧將用蓬飄了自宜明朝發山郭一  
與吏民期

送張秀才省兄還句章

卧病寡營慮閉關生道心還聞異國去忽動故  
鄉吟海樹延寒色山城結暝陰懸知康樂思春  
草別來深

病中張大見過



歷代詩選 明陳紱之 五  
拙疾寧爲理幽閒幸避喧解巾看吏傲罷牘聽  
禽言霧委花餘泫風歸葉暗翻園林遲日意一  
與故交敦

晚望有懷

高閣罷餘霧曠然見遙岑依微夕明滅窈窕寒  
雲深隱几獨成趣據梧時自吟惟當草玄者寂  
寞知予心

除夕次張參政韻

急景欲相催閒居感化裁夜看寒色去春遲曉

光來澤國鮮雲滿山房臘酒開平生幾歡宴曾  
是獨遲回

同張參政早春山行次韻

嶺色日吹綠東風忽來茲遙尋新艸路行與故  
人期叢薄雨餘變孤岑煙外奇悅芳忘近遠指  
景去參差

還浙夜泊江口

越嶂宜春望江舫入夜乘潮移諸島出雲卷數  
峰層近郭翻多戀還家獨未能北堂今夕夢先



已度西興

過吳維新隱居

委巷疎塵宇空齋問隱淪  
應門兩童子拄杖一閒身  
下馬見深意焚魚知久貧  
相看祇有笑握手更何陳

都下秋雨夜飲王子長宅

闊別時何屢蹉跎鬢已侵  
還朝明主賜卜宅故人心  
涼雨杯初覆空堂漏欲沈  
安知非夢寐相對帝城陰

送王學士之金陵

共從金馬叅中翰獨領銀魚出  
內班紫禁鷓鴣能集送白門  
冠蓋望追攀練色朝分楊子渡  
黛光晴對謝公山羨君此日看花去  
爲憶它年視草還

和王員外首夏遊南內

皇家秘苑自逶迤標境煙霄迥  
蔽虧縟翠千重榮雜樹輕絲百丈  
戀交枝當軒支石天濤取遶逕  
瓊花月宇移不羨汾陽風景異  
爲觀今日長



卿詞

其二

城南窈窕似瀛仙  
列館芳菲入盛年  
罩罩氤氳籠淑氣  
窗櫺宛轉閉祥煙  
花間緝殿開黃道  
竹裏彤亭瞰碧川  
最是風光恣幽歷  
還疑身世在鈞天

端午侍宴闕下

天中佳節盛懽闕  
下平明式大酺  
宮采初傳長命縷  
中官競插辟兵符  
饌分玉食調仙桂  
酒

酌瓊杯泛苑蒲爲問  
寰中浴蘭者得如天上沐  
恩無

平林都下別施秀才應試金陵

忽漫相逢歎別離  
畱君無計不勝悲  
身聞大道人皆笑  
志在高山世豈知  
且合投竿隨俗好  
莫須彈鋏向明時  
高才未必長貧賤  
遲爾南飛振羽儀

贈李御史奏事還南都

南臺羣彥似君難  
奉勅鳴驄謁上蘭  
晝著錦衣



歷代詩選 明陳紉之  
誰不羨朝簪白筆衆應看逢人賸有鷹鷂志報  
國憑將獬豸冠此日秋高堪搏擊臨風惟有贈  
雙翰

禁中對雪

禁裏霏霏朔氣饒紫風飄度薊門遙初翻金馬  
疑飛絮漸集銅龍似薄納百子銀題全合色萬  
年花發半封條懸聞睿詔賡黃竹佇待東曹染  
翰調

立春日寫懷簡唐一編脩

閏歲青陽逼舊年寒城寥絕訝春還土牛候氣  
偏能早金馬沈時可是閒我貴漸欣知識少宦  
通長愧是非間聞君戰勝能辭祿便欲因聲寄  
小山  
臨淄舟次柬唐一太史

客中相見倍情親日日追懽意未申近水割鱗  
時供酒遠山啼鳥盡關人疎慵且喜隨中散鄙  
薄那堪作外臣愁計別程能幾日未須岐路已  
沾巾



泊淮答唐應德

十年生事半同君，萬里傷心逐楚雲。  
遠浦維舟潮欲上，平林對酒夜初分。  
逢人牛馬時堪應，到處鳧鷖漸作羣。  
共是機情忘已盡，欲將通塞任斯文。

小山贈汪御史山居

小山下築背孤城，大隱青春早謝名。  
門長綠蘿時掛塵，溪分流水幾投纓。  
霜前烏去收遺菓，雨後鴟肥拾野羹。  
寂歷山亭無一事，時從羽客話

長生

辰州送王兵憲入貴

奉命宣威寵節旌，翩翩繡服照山城。  
傳章遙識蠻酋拜，負弩新看縣令迎。  
臘月梅花催別騎，春原柳色待行營。  
此日西南須靜鎮，知君無檄論耆毗。

送李子

山城細雨綠蕪滋，黃鳥關關送別時。  
海內爲隣千里近，湖邊傾蓋十年遲。  
蟬聲驛路催官騎，草



歷代詩選 明陳約之  
色河橋映酒旗遙想經行多逸興逢人莫不寄  
新詩

至宜興訪應德不遇同唐二秀才飲任光  
祿宅

故人消息若爲聞早說驅車向白雲倘識外親  
來相宅因逢賢李不題門半溪畫色畱征棹遶  
郭山光映酒尊賴是主人能愛客不妨遙夜隔  
思存

長沙上巳

五都皆禊渭百戲競臨渠自憐妨太潔不事更  
脩除

夜泊芋原

萬曲寒流滙碧灣千家煙雨閉柴關來愁烏帽  
生人悶到喜青山對客閒

石倉十二代詩選

四集卷二十四 終

歷代詩選

明陳約之

四集卷二十四

廿一

王



卷之二十一

主人國匪喜青山樓客開

萬曲寒流郵樂繁千泉點雨閑米關來必

不妨造夜

詩

五清皆野野百燈黃韻集自料也

石倉十二代詩選四集卷二十五

莊肅集

大明

後學曹學佺閱

壽同年沈舜臣父母沈子言其家世蚤替

今懷亦父母勤干訓廸以舜臣貴介而壽之

蔚此芙蓉花結根各有託柯者伐其枚並峙何

綽約伊昔青陽敷萬卉競紛錯過者逝莫睠江

干自蕭索日月逝差馳清商動林薄弱榦發華

滋榮曜齊丹腹夙詎為美遲芳亮足樂誦信



自有時譬彼桑間蝶悠悠玄運移天意良可度  
綠筠亭

瀟灑情無營檀欒覺幽勝高葉上干雲下枝低  
掃徑如玉美洪園爲琅待岐鳳有斐君子篇長  
吟動孤興

欵鶴亭橋

如虹亮未可驅石亦云誇伐木應懸象爲梁代  
浮槎翩翩此白羽適意無荒遐聽念主人惠不  
復卑泥沙終然色斯舉奮翅凌煙霞

聽泉亭

日入萬慮息窗挂金錯刀端居倦煩鬱起聽林  
間濤非必金石奏泠然自嘈嘈嘯歌駕言邁盥  
濯登前臯

棲雲洞

空空常若茲庸寸自相託去畱隨所之允符君  
子作古有得道人高卧天爲羃抱一常飲和坏  
亦無庸鑿

題同年汪道夫舍秀樓四首



春

離離山上石澌澌澗中水飛飛堂外燕郁郁門  
前李參差何異態錯雜紛如綺才子試乘春騁  
望相填委嘯歌以忘憂延年將有俟

夏

嘉木貯繁陰鳥鳴聲相和流雲倏變化好雨來  
經過鑑池浸碧落高樹垂藤蘿道人避煩燠抱  
膝之靡他長日此高卧睡起還高歌

秋

熒熒天上影蕤蕤籬邊英蕭蕭雲中羽啾啾草  
間聲丹楓羅廣路天高氣何清萬象此森列松  
濤昕夕鳴攬衣試靜聽奚必絲竹橫

冬

積素帶朝暉寒煙羃孤岫落日下牛羊氷霄瀉  
醇酎三冬古所珍萬卷今宜富至日學閉關寧  
敢愆天候冲虛絕念想願神養眉壽

前出塞五首

朝出廣武城遙望雲中路殺氣亘川原冥冥如



歷代詩選 明故莊肅 三  
顏暮匈奴悍且驕飲馬羣爭驚拔劍思策勲側  
身向狡兔誓清沙漠塵永言無回顧

二  
紫塞連雁門飛鳥不能度單于故憑陵躍馬縱  
廣步羽檄上金閨天子按劍怒翳誰遺主憂  
捐軀行且赴

三  
驅馬度陰磧白楊何蕭蕭悲風掠地起角弓不  
可調愁雲莽晝晦行行陟山椒部伍亂相失令

嚴不敢囂馬疲腹且餒粟已無餘饒悠悠竟誰  
控主將方擁貂

四  
胡兵四面合我卒三星稀白刃兩相向黃塵翼  
不飛都護早自蹶士衆在重圍背水更一戰肯  
使隻輪歸

五  
逐虜燕支北還軍飛狐口彎弓仰射鵬墮地只  
應手歸獻郅支頭飲讌集諸友錫壤非所希圖



歷代詩選 明故莊肅 四  
形亦何取長揖釋介冑躬耕卧疎牖

虎丘寺

憶昔勾吳國稱雄全盛時高臺屬天漢博園方  
蓬池此地悉爲苑輦路何歲蕤旣沒託遺體千  
乘咸斯馳厥有歐冶子陶鑄含精奇工成輒相  
試光采何離離末歲恣淫侈一敗國不支運去  
虎爲鼠麋鹿遊荒陂千載更相代亡滅理或齊  
寄訊來遊者空門聊可師

尚懷羅念菴年兄

美人擅鉛華光彩耀朝日被服雲霞裾天香愧  
蘅苾云胡去君房荒澤見遺佚緬彼蕭與菴  
芄自蒙密已矣亦何言行人勞歎息

其二 世世遊藝山東

憶昔厠鴻序天衢凌紫氛中達忽乖析飄泊長  
離羣泥滓被毛羽塗潦何續紛君子肅皇役東  
方挹華芬其時困簿領大道良無聞倉卒寒暄  
問解后襟裾分別來方寤寐夢想通殷勤眉宇  
見垣饋書翰均皇墳覽輝竟何日悃脰看停雲



其三

瑜瑾本無度光耀傾千城桃李自不言蹊徑何  
縱橫伊余詎昏塞親賢昧居真矧承江渚書奚  
帝龍華榮長跼再三讀涕泗濡衿纓濡纓不足  
道永願諸同聲

剡溪舟泛遂遊山東

曰余抱拙諾微尚在中丘比苦爲形役及茲始  
來遊昨鼓錢塘柁今移剡曲舟山川何盤鬱經  
途阻以脩苔華絕壁上風磴鮮雲浮臯蘭被幽

徑澤芷蒙空洲百盤至山頂蕭颯如涼秋澄流  
活無極翔翼紛相求緬懷昔賢蹤風格竟誰儔  
趨曠故無累神理多所周馮知蹙符業寧就此  
中不

送吳皖山曹州兵備

憶昔典華省之子多令儀躬秉羔羊節永歌白  
華詩高文協韶護被服光陸離伊余抱微尚斯  
人式是祇未幾見乖隔南北成睽携今茲竊所  
荷劔合襄江滄晤言終永夕芳佩以見貽君子



忱旣覲我心胡不夷

其二

歡會詎能幾離別忽在茲涼飈奄忽來吾子意  
何如余亦肅時命駕言朝 京師徒倚均陽道  
惆悵與子辭良晤復何許東西未可期所以古  
時人轉蓬以爲悲

其三

伊余昔筮仕東原以爲屏上應奎婁分下隸究  
州境君今往建節此邦遙在領地峻人阜繁時

時勞飭整絃易聲乃和教行俗始靜爾德式維  
風治道詎在猛君行慎脩持高山人用景

其四

此日復何日木落蒹葭蒼此夕復何夕鴻雁紛  
來翔今我與子辭各在天一方雁行遞來去音  
塵倘可將相將復何道懷德以無忘君行恆自  
視視此明月光勿令有蝕輝永爲君子傷

盧溪道中書所見

六月戒徂暑利我西南征朝發白雲觀暮宿列



宿城山磴何合沓溪流嘈呖綠蘿斜綴憶幽  
鳥聲相鳴怪石似窺瞰汚潦時縱橫晴霞麗丹  
嶠白日冒紫英羣鳥雜沓起衆鳥何咿嚶流目  
動涉趣應接不遑寧詎知槃瓠穴聊復得此情  
際晚衆氛歇彌覺神爽清慮淡景逾會心遠物  
莫縈誓將迤紱冕嘉遯以居貞

過鄆杜見立苗者感賦

余本耦耕人力田以爲寶偶出奉恩私西征涉  
脩道感此老農勤慙余坐空飽官崇才弗充秩

允氏仍憐明明古溝洫歷歷成潢潦安得鄭白  
徒乘閒事選討舉鍤興雨雲使汝顏色好

望終南趨宗聖宮

名山何鬱盤複嶂競森矗虛崑豁脩洞飛嵌掛  
晴瀑猿狖未敢窺牛羊詎來牧丹竈懸崇顛玄  
言秘金籙仙樂空中來遙疑紫氣馥庶幾靜者  
徒永言希蚤服

磻溪

賢者托斯世譬彼飛蓬然高者入雲際下者淪



淵泉高下詎有定飄轉隨風旋憶當公未遇把  
釣斯溪前明珠混魚目泛泛誰珍妍天將翼姬  
姓夢寐通精玄後車載詎晚前徒倒方懸鷹揚  
啓戎乘虎賁驅戈鋌始知被褐賤而有懷玉賢  
英雄代豈乏今古理俱然聖朝方撻虜此輩  
可安邊

河汾書院謁文清公祠

玄雲翳白日光景匿以霏流目屬昏瞶如彼求  
亡鍼不有斯人徒孰抱儒宮琬著書符聖矩博

物慙書鐔粵若稽古昔允執時惟欽尸居龍乃  
見淵默雷以吟闇然日章著惴惕如臨深豈伊  
夸者流煩詞導詖淫諒哉爲我師能受邪慝禁  
譬聞古琴瑟斯言匪斯今  
題問野如雲卷送王中白考績

憶昔真人奮淮右手把白茅清宇宙經營締構  
良自我卜澗度躔良匪後顧謂茲山廡且閒澗  
野汧陽此其副建官置寺作民極考牧覈實充  
天廡百八十年欽厥承卿丞接踵咸爭懋



今皇在御廿一載厥有大丞出名胄秉心塞淵  
 誰與京驪黃牝牡紛來湊馬師圍客盡開顏驅  
 逐北去橫馳驟去年虜寇紫金關萬騎龍驤駿  
 奔走虜人氣沮乞生還渠魁授首誰能救至今  
 歌滿頌寰宇盡道奇功殆天授應知表白非一  
 狐始覺良工功獨茂嗟乎中白子爾才既良爾  
 識實長况今 聖德過虞唐何不再拜稽首陳  
 皇王調和中外無兵荒鞭撻夷裔知驅羊天子  
 垂拱朝明堂時和歲稔四海康野人鶉衣藿食

充老填溝壑亦何妨

贈題白揮使待漏圖

將軍當壯歲轉運入朝頰白馬鳴騶遠黃金飾  
 帶新朝光分象魏日影動麒麟慷慨長驅意因  
 君與重陳

送趙銀山使蜀取道過家為其季父焚

林笑識黃仁首

輜軒驅蜀道旌旆渺關河鶴唳霜臯淨雞鳴野  
 戍多金書分象魏赤甲動驪歌萬里緣江路遙



應待爾過

其二

有美端君子風流炯在茲  
名香分畫省負弩足  
前麾禮樂周王憲  
衣冠漢代儀幽明  
均荷被沾灑望蓬池

紅心驛取道之廬陽  
宣讀遣家累先歸

立而送之

痴兒猶客外諸婦獨趨庭  
慰念令先返臨分刻  
後程入門應抱哭  
拊柩豈勝情  
淚眼看鄉國蕭

蕭馬不鳴

送徐遠卿乃翁虬髯公歸隱

秋日辭京邑晴雲擁旆旌  
舟緣瀛澥渡人向鬱  
藍行叢竹山中待羣鷗  
海上迎蕭然方域外  
何羨僱佗生

劉君同年陳伯舉奉使歸閩兼壽其母貞節夫

令子中朝貴慈親八郡良  
秋霜憐往事春日  
上高堂卮奉千年壽  
衣裁五色章  
聖朝恩數濶



分得紫泥香

神山寺依壁間韻

水流經絕壑山色帶斜陽石井寒泉冽天花繞  
座香頭陀來擊磬開士自吹簧願起多羅念冥  
心此一方

地僻多幽事端居澄道心岩花暄自媚谷鳥靜  
長吟塔影遙侵漢春潮近帶林何為苦形役惆  
悵日令深

閒居

疎庸成棄置耕稼老江干貧覺詩書好愁于杯  
酒寬幽花暄自媚荒徑晚相安憑報羊裘侶來  
餐苜蓿盤

湖上

湖上多幽事居然絕垢氛丹葩承翠蓋白鳥破  
青雲鰕菜全堪給鳧鷖盡可羣寄言小山侶爾  
席幸吾分

步園



荒園無長物近市有幽林曳趾乘涼步科頭倚  
樹吟鳥啼渾谷口魚戲只波心爲報南隣客幽  
期合其尋

上元後於白雲禪菴餞別畢梓石明府奉  
待不至阻雨信宿

蹙息招提境琴尊漫作徒茶烟浮密竹香氣靄  
平蕪細雨寒花出適風旅燕逋居行均謂客且  
復置前途

其二

禪宇依丹嶂雲亭敞翠屏窮簷村釀白寒雨佛  
燈青柳着黃金色松垂華蓋形此中吾欲老何  
處欲移銘

其三

過雨山逾淨經春物自華焉知羨台鼎且復話  
桑麻麥隴青青茁園蔬細細芽未須遊汗漫卽  
此可移家

其四

蚤春芳意動迢遞陟雲岑寂歷川原暝蒼茫烟



霧深使君遙在望地主若為心只隔山西畔林  
昏不可尋

秋日同戚南玄渡江宿長干諸山寺往來

數日時復漫興

秋日向平原寒芳夾路繁煙沈丹渚合風裊翠  
濤翻墮葉飛晴雨遊絲媚晚暄居然慰幽獨心  
賞復何言

二

忽憶長干勝飄然片舸東黃花明繡壁玉露漉

丹楓閣道青山外江流白露中還期惠遠輩一  
笑坐相同

三

野色丹楓冷江光白鳥明鳴鳩破午寂落葉點  
衣輕仙梵花前見清齋樹底行自緣求慧果非  
是學長生

四

疎莢秋自好芳樹晚多姿曲逕松烟暝迴峰竹  
日低山光團梵閣塔影倒僧居寂莫真為樂區



區豈盡知

代贈六峰唐氏昆弟

翩翩棠棣萼鄂鄂擅華芬  
課子令絃誦娛親遠  
市氛金尊時款客上笛羨趨羣  
何日還傾蓋春堂爲剪芹

山居雜興

老態行年覺窮愁與日增  
貪幽時倚杖愛景自  
篝燈有暇親玄侶無營類野僧  
倦來還面壁不是學盧能

向之二泉

昨買梁谿棹今來試惠泉  
色將天共澹名與實  
爭先輝映疑銀磧清冷瑩碧淵  
塵昏并俗妄總爲一時捐

天台舟中有懷唐荆川內翰

靈樞行不極華秀望中分  
碧水環丹浦青山貯  
白雲樵歌川際落禽語坐中聞  
尚想吳門約令人遠憶君

台州東湖



世路牽纏甚吾生放浪餘煙霄飛白鷺江激簇  
紅蕖雲影尊前動人家郭外疎此中堪避世誰  
爲結吾廬  
自武昌泝流趨岳公等水登舟  
潺湲橫楚瀨搖裔泝江潮  
岍草承珠側林花着  
雨嬌鳴榔過洞野鼓棹入煙霄却恐風帆便重  
侵烏鵲橋

岳州分司夜坐

向夕濯塵襟軒除試一臨漁燈雜市火雉堞隱

楓林入座山平挹連堤水半侵蕭條人吏散閒  
聽隔江吟

岳陽樓

久懷岳陽勝今得岳陽遊天曠遙連水湖平近  
帶樓星躔翼軫接生息野塵浮泛海吾何敢濡  
衣竊倍憂

吊屈子

美人何處所公子未云旋悵望湘潭水含凄賦  
頌篇孤忠君不寤太潔世誰憐祗有心如日悠



歷代詩選  
明初詩集  
卷五  
六  
悠長共懸

大荆驛

地據荆湖畔人從巴岳來  
捲簾疎雨入蘸水密  
荷開草色閒侵座江聲  
暗隱雷興來思作賦慙  
愧洛陽才  
八對桃川宮次韻  
神仙丹洞古樓觀白雲  
深野鶴盤空下江猿擁  
樹吟地偏稀外事坐久  
愜幽心荷服終當製行  
歌此更臨

發馬底驛趨辰

詰旦浮沅水風光媚旅人  
丹霞遙草樹縞瀑掛  
嶙峋日上千林動花開  
幾樹新誰知槃瓠宅此  
日是通津

船溪道中

綠緣躋石磴宛轉渡江濱  
川合沅湘水山連衡  
桂雲芷蘭深自媚鴻鴻  
遠逾分行役嗟猶未離  
愁日易曛

六月十七日夜沅州分司坐向蓮池次池



六上韻  
炎宵逃鬱暑閒館肅層陰以我忘機意知君不  
染心火螢簷際宿莎羽月中吟忽漫涼颼動蕭  
然若在林

已未八月十五日以防秋之役在原州大  
雨連日夜不止會當月食塊然獨處感  
事懷人得五言律二首

故園當此夕滿地競歡娛豈意西垂夜冥冥雨  
塞塗幸藉胡騎入且共萬方醕誰念披堅者策

乳未授襦  
其二

朔氣傳金柝邊聲雜暮笳空聞籬白雨寧復  
黃花濁酒誰同醉葡萄漫自誇晚來幽興極真  
欲泛仙槎

登麟遊城

千載麟遊縣寥寥久息遊觀風聊命駕斜日此  
登樓地僻歌鴻雁山空散馬牛寄言司牧者須  
作富民侯

四集卷廿五

王

王



宿少林作

石壇縈碧蔓蘿徑轉清陰樹換六朝市山開諸  
佛林靜知羣動妄老向法華深敷葉分花地因  
窺東渡心

廬山

古剎披霞上繁花映日開飛流疑卓錫驚浪隱  
轟雷地接星躔近人從罨畫來不知瀛海內何  
物是蓬萊

雨後過姑壇

風塵勞望眼聊復問仙源瀑迥遙連樹川迴曲  
抱村道人鳴法鼓小吏上脯殮坐久忘機事江  
鷗靜不翻

春日王內泉高東庄潘春谷招游晉祠

古廟春臨勝靈湫曉望分驚湍飛帶雨平野暗  
蒸雲地是唐侯國碑餘確菜文千秋祇如昨感  
歎竟朝曛

聞倭賊寇錫山有懷鴻山華學士

世路嗟如此巖居豈自如野人同失馬學士久



歷代詩選  
賦  
焚魚烽火遙憐汝篇題近啓余兵戈何日定一  
訪碧山廬

書居巢張氏遺翰

壤與淮淝接居鄰江渚邊烽烟連往日流亂是  
何年喬木人家少遺書爾獨全靈光歸矣在把  
玩仰前賢

龍洞

翠渚煙籠柳金沙鶴墮翎霞蒸雲子白露泥佛  
頭青靜閱無窮世閒看有盡形誰能捫雀住不

耻罄然瓶

栖霞寺

遠上栖霞寺空山鳥道微翠崑橫地出白石逗  
泉飛磴古苔錢積年深繡佛稀時逢戰勝者相  
對總忘機  
駕幸九龍池水殿

宸情忻賞鑒文衛儼茲臨古樹叅天合靈脂螿  
地深時芳薰御幄仙露滌塵襟墊曠羣峰出春  
餘灌木陰菰蒲相映蔚禽鳥自歌吟日暖雲辭



壑風清鶴在林水從龍口瀉魚向藻中沈岸粵  
紛如拜華滋蔚若淋昆明看只尺天漢覺浸淫  
四海溪膏澤涓流自泚潯

過東平喜父老將送如雲口占以謝

憶昔分符倦奔走于今回首尚多疑未能揖讓  
還閭里深愧將迎擁蓋惟父老尙言當日事山  
川遙與故人期殷勤追送無煩遠他日重過自  
有時

從觀九龍池水殿

當年此日饒風雨此日清明暗不晴花發靈岩  
含御氣鶯啼繡樹嘯春情無邊朔氣通玄微萬  
里雲山擁漢京傳語同遊莫虛負共將歌頌答  
昇平

大皇扈從邀諸君子山行不至詩以嘲之

一室環居苦束迫胡不登登訪翠微過雨巖巒  
色更好徬山麥苗青不稀澗底浴鷺忽來去林  
端野鵲時翻飛却歎同來今不賞空負青驄他  
自歸



登鳳陽龍興第一山

黃金崇殿碧山岑，貝葉仙文紫閣深。  
翠竹丹楓連禁院，榮光佳氣滿禪林。  
危峰俯瞰長淮細，歸路時聞百鳥吟。  
締造久爲緇梵宅，經營誰識太皇心。

太僕主簿吳九淵奏績賦贈

使君標格真瀟灑，日常從水竹居。  
吏隱不妨兼牧事，政通今上報功書。  
殷勤好事交游際，淵塞爲心報稱餘。  
入覲欲聞垆野狀，勿云衰息久。

成虛

清風亭

遙遶西園竹塢深，坐來真覺滌煩襟。  
花將野色當筵笑，鶴倚疎篁隔水吟。  
雲逕不除穉俗侶，鳳簫閒弄憶知音。  
蕭然似覺方隅外，何處松濤泛碧潯。

罷官東歸途中有懷太原潘子抑

汾上初携歲欲闌，北風吹雪滿征鞍。  
相思轉覺離情苦，直道深悲行路難。  
塞雁盡隨南騎遠，朔



雲偏向別途看大山晉水蟠龍處夜夜空勞夢  
裏觀

送平山李子宰夏邑

黃河東注渺滄溟濁浪排空動百城夏邑更聞  
愁積潦春來須擬勸深耕中原盡道誅求盡長  
吏能教政令平當日曾恭同墨綬勿令之子獨  
垂聲

癸丑中秋夜待月不見有賦

倚杖巡簷問太清望舒何處獨分明陰霾故故

生憎汝世事紛紛倍轉驚萬里龍沙橫鐵騎無  
邊鯨海動金鉦何時坐見涼暉發滿地流光稱  
我情

張石里郡牧移貳吳郡

才向山中爲郡長卽從湖上理邦儲國憂民計  
關心切楚岫吳峰屬眺餘月滿庾樓時對酒風  
清江野數騰書 君王治理先求舊畫省蘭臺  
席已虛

庚戌秋感賦



天王北極本同天萬物星羅象緯然底事胡奴  
驅鐵騎祗緣諸將事金錢黃花古峪凌雲險鐵  
壁層岑傍日懸却怪胡雛能躍馬揮戈誰復過  
祁連

宿高座寺禪房

首夜空山竹院涼葛巾苧服野人裝疎鐘出閣  
虛堂靜老樹當庭法界香我貴自緣知識少閒  
居真覺世途忙放歌采藥從吾好一任人稱是  
楚狂

從靈隱峰寺登北高峰

檻外澄湖瑩碧隈峰前香霧滿仙臺雲迷縞鶴  
歸長遠風急玄猿嘯正哀白晝煙霞紛麗錦千  
山松檜隱春雷恠來衫袖多沾濕滾滾滄江樹  
杪來

昭慶寺前湖上月泛

寶鑑流光照碧苔青天如拭斷浮埃波澄歷歷  
金沙淨風動暉暉錦殼開坐見繁星低傍楫底  
須捫月遠登臺蘭湯茗碗分香積肯羨金莖玉



露杯

月夜訪周定齋給事卽席賦別

王子中廻雪夜舟清霄今夕我相求昔賢踪跡  
空流水絕嶠煙霞擬並遊萬壑浮雲通海氣滿  
天華月動羈愁百年知己原無幾豈厭匏尊數  
獻酬

三界道中卽謝靈運始寧別墅故地

翠崑迢遞擁行舟渺渺澄江曲抱流芳樹暗縈  
蒼靄住浴鳧閒弄碧波浮貪幽謝傳渾青眼避

俗園公任白頭何日鹿酬家累畢一槎長傍此  
中遊

晚渡錢塘江四眺

長江渺渺白波廻海上風來五兩催樹色遙分  
巖子瀨湖光近繞越王臺西興舊迹空沙岬南  
渡諸陵一草萊千古英雄竟誰在不堪臨泛獨  
徘徊

九江舟次

匡廬倒影浸彭湖南紀煙霞滿舳艫天遠片帆



歷代詩選  
隨去雁月明寒影散驚鳥臨深易得浮生感歎  
逝能忘客序徂仕海茫茫誰自料且將杯酒對  
平蕪

夏日與諸僚集鶴樓

中天靈構碧山隈躡景凌虛四望開此日長風  
驅海上何時黃鶴下雲堆濛濛細雨浮空入片  
片輕鷗帶渚回朱夏炎蒸更何有不妨深坐盡  
餘杯

萬歲節朝賀

去年此日接仙班此日今辰客楚關彷彿鑪香  
猶在眼紛披簿領却愁顏空稱大楚寬如海寔  
有逋租積若山疲瘵將何稱拯拯臨風惟有淚  
潺湲

過四祖寺

年來欲覓紫金丹問俗行過大士壇川澤縈紆  
靈氣繞岡巒迴合萬峰攢當時宗鏡還相照此  
日心燈竟若觀却愧悠悠空道路百年身世且  
蒲團



將之常德發長沙舟中作

問俗南浮湘水涯  
澧蘭沅芷故參差  
煙迴霧合迷吳楚  
雷隱江喧亂鼓輦  
渺渺滄波搖夕舫  
飛白雨挾涼颼  
三閩何處芳薜悴  
苦憶孤忠動我思

九日江行

淼淼滄波遠泛槎  
征途冉冉惜年華  
歲逢九日常爲客  
人在殊方倍憶家  
舫上秋英誰共把  
塵中春夢未須誇  
悠然鼓柁沿流去  
誰信吾生自有涯

有涯

界亭道中

桃源西去草離離  
磴滑溪回馬足疲  
合沓何殊九折阪  
羈危深恨五溪夷  
曾徵薄伎籌邊徼  
坐見炎荒動鼓輦  
聞道滇南更勞費  
回瞻霄漢不勝悲

大酉洞

乘槎近自星沙國  
結軫遙過辰酉隈  
石乳倒垂森萬象  
泉聲爭注隱春雷  
煙和細霧濛濛濕  
氣



颯寒颯浙浙哀早晚擬從韓偓侶殮霞躡景共  
徘徊

次劉晉初同年述懷韻奉會

覽歲揆余行四十應傷舊學已全非卽愁末路  
成名薄却喜當時知我稀三事功名非乃願百  
年身世欲何依爲儒苦患心交戰勝後無論瘠  
與肥

山堂驛次韻

雲峰煙嶠路迂斜木寨柴門几幾家曲磴盤盤

深自繞長林漠漠轉相遮消煩敢望金莖露涉  
遠常移玉漢槎畱滯周南人欲老不堪回首望  
京華

遊明山拜文清先生祠次中丞李公韻

先生祠廟芷江濶覽勝懷賢兩不禁往日松杉  
故無恙斯人天地竟焉尋讀書遠接周秦緒用  
世長懸禹稷心天未憖遺空已矣至今畱恨碧  
潭深

將赴固原開成道中值五日



今日何日端陽名遙遙九折趨巖城懸泉幾道  
 下曲澗削壁萬仞臨高冥宮衣翰扇已無分蒲  
 觴角黍空含情所希四壘無烽火旅臣何惜仍  
 遐征

五月七日固原兵憲史吉菴總戎曹雙橋  
 二公招吳海亭太叅高廉泉僉憲及余  
 飲城南魚池閣上池邊高樹參天小亭  
 面水絕似江南風致賦此  
 六盤山勢轉逶迤曲澗泠泠瀉碧池高樹靜含

行塞日空窗遙瞰拂雲祠尊開新醞游魚出花  
 過端陽舞蝶知不是君恩能起廢豈應踪跡到  
 天涯

六月二日趙東河少叅觴余所居臺館席

中卽事

星軒霧幌坐更闌衙散塵空暑氣殘叢篠含風  
 低度曲片雲拖雨故臨關黃河遠抱千峰轉鐵  
 騎橫飛六月難細數邊勛論往哲遲迴天地一  
 憑欄



登王母宮作

回中迢遞鬱崔嵬  
萬里遙從西極來  
幾道懸泉飛素練  
無邊喬木殷風雷  
悠悠往事疑俱夢  
落落靈輿豈更來  
却笑多情空繾綣  
漫從金屋詫仙才

十月中將赴原州請事阻宿開成公館值

余初度懷鄉感事賦此

揭揭征車夜向西  
還如襄野路渾迷  
已看宦况同雞肋  
自笑行蹤等雁泥  
落落乾坤誰匪客  
悠悠

悠心事漫疑  
羝懷鄉戀故真  
無那且對疎燈改  
舊題

王官谷尋司空表聖舊居

望望王官峰  
幾千盤盤繡  
谷去負綠峰攢  
飛瀑雲邊墮  
柱倚中條  
天際懸  
當日公卿徒  
袞袞于今巖壑  
自娟娟  
徵君豈是渾  
忘世  
天意時情久  
自憐

疑道監築再同諸公取道湖中還省是日  
荷芰盛開景物奇勝喜賦



雨後湖光太劇清  
水香花氣兩盈盈  
雲山映帶真如畫  
荷芰翩翩覺有情  
迢遞蘭橈天上轉  
分明仙侶鏡中行  
嘉時屢泛忻遭遇  
稽首天王仰聖明

澤州明道先生祠

老樹黃塵瞻古祠  
停騶下馬立移時  
青天不動遺書在  
赤手難扶宋祚危  
恒岳斷雲連古戍  
漳河新浪浸殘碑  
懷賢不盡瞻依意  
回首宮牆倍我思

荆川寄新茶漫興

內翰遙緘陽羨茶  
先春投贈意何賒  
呼童出汲懸銀綆  
屬婦行煎看雪花  
且喜盤飧同屋角  
不愁盃酌更天涯  
椒花柏葉安時俗  
莫被封侯悔別家

晚坐

閒來終日坐林泉  
漫說叅禪與學仙  
徑軟沙青晴欲滴  
池荒蓮墮雨仍妍  
中流自喜收帆早  
末局從知袖手便  
心事悠悠那可道  
放歌長醉晚



風前

秋暮閒居

背郭茅亭映水開  
心閒獨鳥不驚猜  
離離果熟山禽下  
冉冉花香蛺蝶來  
晞髮故當松塢曲  
移尊時就竹林隈  
諸賢俱望登樞筦  
儘放幽人寄草萊

晚春遊花山夜歸

碧水蒼山散遠暉  
坐令遊子澹忘歸  
天香冉冉浮芳醞  
嶺樹陰陰貯夕霏  
竟倚危崑閒騁望  
恣

探深谷漫遲迴  
幽棲我欲長  
栖息為報沙鷗莫

浪飛

早春偕高汪二太僕孫莊讌集次高東玉

韻

畏途詰曲宦情闌  
謝客居常事藥欄  
投浦雁行低絕岬  
蕩舟人語隔前灘  
青青郭柳初含態  
的的江梅已過寒  
倦策湘筇時引睇  
笑看公子落金丸

江臯



久向江臯理釣絲鹿門朋侶結襟期投身正喜  
雲林遠入枕那堪鼓角悲海內風塵嗟不定天  
涯生計欲何之孤臣終夕愁無寐起坐長看斗  
柄垂

旋途雜咏

宦途笑覺紅塵夢世事驚看白髮新四海何人  
堪晤語祇應丹嶠訪仙真

扇面小景

青山紅樹帶行舟碧水澄江遶郭流玉笛罷吹

閒不語坐看天際白雲秋

南遊漫興

杜甫未陳三禮賦張衡常詠四愁詩閒看遠岫  
憑飛閣却弔南朝上古祠

三洲鸞駕身難寄五岳神芝路可求吹筑不妨  
頻過市解衣何惜刺行舟

曼倩久疎金馬詔王淵不祀碧雞神西山拄笏  
忘言久東海乘槎寄興新

題畫



西湖堤上草如茵  
水暗沙明楊柳春  
相約把竿垂釣去  
得魚沽酒任長貧

曼前八刺金馬臨王國  
不與野戰物西山主翁

賦遊市無分何部陳百舟

三洲舞鶴象鑽寄王岳  
幽夜之樂何才父民不

慈深閣味伊南勝土古師

南遊曼興

爾谷精三清天奉白雲得





